

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

7. Firmitas & miraculu[m] statuæ salis.

urn:nbn:de:hbz:466:1-45686

quæ versio eti minùs propria est, cùm passim authores agnoscant, eam mulierem propriè esse in statuā salis conuersam; tamen illud innuit, quod de ea Tertullianus scripsit, eam durasse ad multa sàcula; immò quod alij asseruerunt, eam ære perennius superfuisse. Siquidem Borchardus, qui vixit ab hinc trecentis annis, testatur hanc statuam, sua adhuc ætate, inter Engaddi & mare mortuum extitisse; eamq; etiam sua adhuc ætate visam docet Adrichomius & Abulensis. Enimvero Targum Hierosolymitanum addit, statuam hanc duraturam, usque ad diem extremi iudicij & resurrectionis. Christus sanè Dominus voluit memoriam eius perennare, quando dixit: *Mementote uxoris Lot.* Voluit ergo Deus statuam illam effigie *Luc. 17. 32*¹ mulieris, & retenta uxoris Lot forma æternum esse iustitiae sui monumentū. Nec mirum videri debet, si sal aliqui aquis diffluens, tam diu possit pluuias ac tempestates sustinere. Est enim sal quoddam metallicum, quod imbribus resistit, & ipsis ædificijs soliditate sua est utile. *Africa*, ait Plinius, *circa Vii. Plin. lib. 34 cap. 7:* *cam construit aceruos salis ad collium speciem: qui ubi sole lunaq; induruere, nullo humore liquecunt, vixq; etiam ferro caduntur.* Eiuscmodi salis statua utique potest & nimbos & hiemes tolerare. Præsertim si miraculo conseruetur.

Nam inter mira & monstrosa huius statuæ, non est sola conuersio eius ex homine in lapidem, quæ vim naturæ superat; neque sola eius duratio, siquidem aliæ & marmora suam patiuntur senectutem, & nihil non

aui longinqua valet mutare vetustas;

sed etiam modus conseruandi. Etenim, quod idem Naturalis historiae scriptor de sale, qui alicubi in extremitatibus aquarū inarescit, alicubi usque ad medium locum coquitur, scribit: *Aliud etiam in eo mirabile, quod tantumdem noctu subuenit, quantum die auferas, id ipsum longè in hac statua mirabilius est.* Affirmat enim Tertullianus, statuam hanc, si à quopiā mutiletur, mox hoc mutillum quasi vulnus suum sarcire & implore. Accedit & illud prodigium mirissimum, si verum, quod, tametsi statua isthac eadem & tumulum agat & tumulatum; ut proinde illi accommodari illud ex Græcorum Epigrammati possit;

Cadauer,

VII.

Cadauer, nec habet suum sepulchrum;
 Sepulchrum, nec habet suum cadauer:
 Sepulchrum tamen, & cadauer una est;
 et si, inquam, haec statua & cippus sit, & cui cippus ponitur,
 nihilominus viuere quodammodo videtur. Siquidem viuen-
 tis more quasi menstrua quædam effundit. Non referrem hoc,
 nisi apud Tertullianum reperirem affirmatum. Verba illius
 do carminibus innixa.

Tertull. in
carm. de So-
doma.

*Ipsaq, imago sibi formam sine corpore seruans
 Durat adhuc, nunquā pluuijs, nec diruta venia.
 Quin etiam si quis mutilauerit adueniformam,
 Protinus ex se se suggestu vulnera complet.
 Dicitur & vinens alio iam corpore sexus,
 Munificos solito dispungere sanguine mens.*

VIII.

Sufficit hoc in saxo, aut sale sanguinante monstrum, in
 quod mulieris istius corpus abijisse, nefas est dubitare. At cum
 vxor Lot dicatur *versa* esse in statuam salis, querunt nonnuli.
 An etiam anima illius cum corpore sit in statuam commuta-
 ta, profectò enim illi tum anima pro sale, & sal pro anima
 fuisset, essetque prodigium tantò magis formidolosum. Et
 sunt rationes dubitandi. Sacra enim historia rotundè assit,
 vxorem Lot in statuam salis abijisse; at vxor constat æquè, im-
 mo magis anima, quam corpore. Quin ipsa id videtur scrip-
 tura innuere his verbis: *Incredibilis (hoc est, incredula)*
anima memoria flans figmentum salis. Sed hæc nihil evincunt.
 Consuetum est in diuinis litteris, ut nomen *anima* prototo ho-
 mine sumatur, nota Rhetoribus figura: *Qui ergo receperunt*
sermonem eius, baptizati sunt: & apposita sunt in die illa anima
circiter tria millia, id est, homines. Quod autem absolutè vxor
 dicatur *versa* in statuam salis, rectè dicitur, et si anima eius no
 sit in statuam salis *versa*. Quod enim viuo corpori contingit,
 toti homini dicitur contingere. Sic homo dicitur mori, et si
 anima non moriatur. Quoniam igitur conuersio vxoris Lot
 in statuam salis fuit mors eius, & in morte anima non interit,
 sed solum corpus viuum mutatur in cadauer, conficitur solum
 corpus vxoris Lot in statuam salis conuersum fuisse. Constat
 etiam

Sap. 10. 7.

Act. 2. 41.